

笏

庵

詩

吳氏一家稿

笏庵詩  
十五

錢塘 吳清鵬

丙午

閨重五日簡紅生

長安城中閨重九記得黃花同置酒當時各有淵明句  
流傳日下滿人口廣陵城中閨重五聞道紅橋仍競渡  
無人共唱賓王詞恐負揚州虛此度佳節可遇不可求  
況是難得舊侶儔眼中之人眼前景對此能不思往游  
念君官閣多清暇今朝定醉蒲觴下報我還須有一篇  
其知太守風流者

地動

冬雪不藏溫夏雷未起蟄我心實疑憂久閉戒一洩是  
時六月中夜漏已將絕地水轉兩輪銅龍忽翻折萬聲  
相戛摩一室走岌岌急起有危坐出看無穩立羣亂仆  
復起衆駭顛且蹶星斗亦動搖河山將破裂全家睜相  
覷四鄰皆詫說豈惟懼傾壓直恐遂蕩析嗚呼百年內  
聞見事不一往年亡泗州如宋社亡之亡索  
隱謂淪入地也一夜竟淪  
沒前年震磁州百里盡陷圯紅風相鼓發黑水爲涌逆  
春秋書未經綱目載所缺明盛豈應見幽遠固難測  
今茲幸未甚食頃卽止息少安得復宇生理免葬骨事

定各慰問回思尙戰惕誌慶且洗盞紀異兼載筆

上方寺訪東坡漁洋二碑次二公韻

坡游記仲夏老葉初翳蟬漁洋乃早春綠萼正破煙我  
欲尋遺碑細得知末巔入門何所見剝落榜字懸屋椽  
敗風雨豈堪駐老仙四壁滿塵土亦難棲高賢緬懷後  
先跡一過如逝泉我何復好事荷花方娟娟往軌結遐  
想清游續連翩惟詩不須刻後世同悵然

沈飴原 岐 前輩紅橋修禊圖

蜀岡霽宿雨秦淮媚春煙南紅修故事上已集羣賢游  
橈泛初曉流杯散空川已挈吹簫侶時見湔裙仙夾岸

飄裾袂鄰船遞管絃蘭波古渡外竹色小樓前臨風結  
延佇落日增流連誰知廣陵地復覩永和年

又一首述敘昔情兼致不獲同游之感

圓明園中大考時我作編修公學士殿中搆思我正苦  
看公一揮驚落紙絲綸閣下票本日公兼侍郎我御史  
閣前領本日欲斜待公從容爲寫旨回首春明三十年  
卻來共寓邗江邊紅橋修禊有故事風流公自追前賢  
只我臥病久不出感恩往事嗟無緣蹉跎又過此佳節  
何時一棹同洄沿

芷鄰中丞別號退庵自製小印曰難進易退學

者有詩乞和

下水須看柁急流且收櫂神仙做不得勇退固亦好問  
誰能知者莫若退庵老豈不繫天下未在一人少方任  
自難辭既脫那重繞向竊觀公心亦不肯草草治世用  
土苴視物棄芻蕘惟可退則退退自不嫌早我亦欲學  
者肯外此身小焉能作媚人還向奧竈禱

退翁有和詩亦再和之

退官若退役進學如進權能以一身取二事兼并好無  
官自得閒有學不在老但恐人間世此樂知者少夫惟  
心無營夢自不爲繞蛾眉恥衆競公有香在草

退翁初  
號芷鄰

倦鳥識還飛我有溫在藁

陶詩束藁有餘溫

公能來過夏行樂

正須早昨者送晚雷雨陣甚不小天爲洗炎蒸似不關禳禱

又一篇答時賢但務進句

功名亦何似如逆水行權當其不得進轉若退爲好及乎進未已乃迷不知老非竟不自省能自決者少故令越石腸悉化爲指繞豈無多藏金但卜十日草亦有飛上天空然兩頭藁前鑒本不遠後悔俱失早世累一牽縈身患詎細小信哉夫子言獲罪無所禱

又一篇答橫流不可居句

時避夷外出也

我欲游世外一鼓天上權安得萬里風便乘此去好念  
公豈得已奔走迫垂老故鄉不可住樂土固亦少夷奴  
負恩來未洗兵氣繞至今東南間室磬野無草何堪責  
牢酒尙欲供菱蘩處此實太逼俱欲出避早良爲天下  
憂非止一方小何時唱還家曉夜焚香禱

乞李枚生

育畫

人生學成各不易能書能畫皆可憐當其初時不自貴  
後乃往往遭人牽紛然求索日不已未免意怠生煩煎  
而况君我又老病臂強指直不復如從前不如竟謝卻  
人嗔人怨一任隨所便卻思閉門亦無事或可藉此自



遣消餘年心閒手暇偶欲有所作又逢薄澗微涼天四  
窗無塵當曉坐一甌清茗起晝眠偶書一二紙偶寫一  
一筆何異適性養志怡林泉君畫無浪墨我書亦豈遂  
肯爲浮煙士爲知已感女爲悅已妍百年遇合甚難得  
文人相憐相愛自古皆爲然君如爲我寫作幽篁古木  
之新圖便當報以雲濤雪色之小箋未知何時一起把  
病筆我已不辭臂病爲君先

張石樵

安保

有和余淵明篇詩詞意淡遠惟結

句云試問似者誰庶幾杜牧之不類余之爲人  
因轉和一篇以自解

告居旣得免便當返故扉如何尙留滯復此心跡違貧  
者多因人一炊難可期常恐迫啼號未免嘲妻兒以茲  
累安邑不恥遂不辭居然講馬隊此意實自私感君一  
篇贈愛我且我知微音寄淡遠指落太古希想像空山  
中水流雲自飛衆念忽以息是心欲無依獨有未喻者  
一語甚可疑旣無出門事何尙尋春嬉杜牧殊不似當  
是周續之

答篠雲將赴江西留別之作

安心正好共周旋意外忽忽賦別篇爲有故人頒遠札  
不辭炎月走孤船檣帆似鳥江流外樓

黃閣滕王如仙夕

照邊君老未曾經外出茲游放眼亦奇緣

末伏日退庵中丞招同黃右原孟玉生羅茗香  
游建隆寺并訪李招討遺址次韻三首

亂後揚州又幾年頽垣廢圃帶城偏蟬鳴古寺餘前代  
鳥下空祠感昔賢赤日客逃三伏暑白雲僧閉一龕禪  
公詩自足消煩渴如品中冷第一泉

蕪城懷古我當年繞角周阿厯四偏銀杏祠荒惟記代

木蘭院冷不棲賢

王播雖爲東坡所不取  
曾有功於揚入鄉賢傳

深衷獨憶贅

隅叟妙諦誰參惠照禪公若招尋還有興看山明日過

甘泉

漫說紛紛五季年由來江左局皆偏興亡並有前朝感  
游賞惟多寓客賢廿四橋邊尋斷夢十三樓上悟空禪  
十三樓見東坡詞其詞深寓禪理兼有覆亡之戒竹西畢竟非吾土何似巖棲  
手挹泉

又和茗香一首

正是邗江臥疾年廣儲門近獨西偏未尋山寺陪元亮  
阮相國會約余同游未赴會記園亭屬下賢  
前乞茗香作寓廬記避酒不勝三

雅爵說詩只落小乘禪羣公清興知無極聞道猶懷十  
九泉

鵲鵲并序

秋雨久淫農市嗟苦今晨始有晴意余擬作一詩  
而屬思未就適余妻自外室語曰昨夜九頭鳥鳴  
今朝果見日矣遂得此篇而命其題曰鵯鵯

鵯姑逐婦無還聲秋雨半月愁霖成野人嗟苦邑人怨  
昨夜忽有鵯鵯鳴常時啾啾聞汝哭兒童走墜婦女驚  
但聽六街四巷呼犬急施放爆竹兼鳴鉦家家逐汝速  
汝去恐汝逗遛殃禍生今朝汝出獨不怪明日雨止天  
當晴二更啼過三更入雨勢漸微啼亦絕起看未曉天  
放青鵯鵯大勝烏鵲靈乃思世無不祥物人心隨以爲  
凶吉鵯鵯汝但雨時來莫向晴天聲滴血

謝枚生畫

早秋殘暑退白露浩已滋梧竹送清籟階戶生涼颼之  
子想安善獨室正懷思畫圖忽落手快意得窺披中有  
我廬在不必定似之宏景移家日稚川挈眷時彷彿見  
衡宇想像占茅茨居然成高逸可以托棲遲平生心跡  
在非君能寫誰更無可持贈仍當報以詩

張子秋送菊八盆是日小雪殊有雪意

已報游人散保城一枝何意眼猶明陰陰小雪見佳色  
策策朔風吹亂英知子買歸須上價供余玩賞爲多情  
從今不羨秋容好要結冬齋歲晚盟

二物

入水則乾出水濕水中石脾定何物有風不動無風搖  
山中乃復有獨活物理從來不可測縱使上智無由格  
農經收此竟安用往往誤人實無益我欲屏棄擲天外  
務絕本根勿使殖不見魯國不誅少正卯朱家好用王  
安石

少正之堅僻安石之拘執可謂與此二物同性

次韻退翁慕園詩二首

慕家園子尚幽清亂後重過見昔情此日禽魚猶狎客  
當時草木盡疑兵太平燕飲羣公樂遲暮飄零一老驚  
話到王尼無宿處知公憂國淚猶傾

昨日霜飄萬木林一年秋老坐成今卽教原野催黃落  
又見樓臺換綠沉爲客淹留同晚跡感時悲憤各微忱  
明朝便是茱萸節何處登高望遠臨

退翁惠腐乳瓢兒菜粟米

五年寄食邗江濱書生食籍百不陳天隨杞菊未得薦  
汝南菰菲何時親公來數月已兩致知我有過庾郎貧  
菽乳法本淮南子瓢兒種上出開平孫加調秋醬封甕  
好待釀冬菹下箸新桃諸梅諸俱可撤苴兮莧也徒較  
論更炊粟飯便軟嚼細嘗小啜眞兼珍物微意重感不  
淺只笑反主翻爲賓公看坡谷愛羅列自古詩客多饑



人尙欲留住過歲臘時分一餉來寒門

九疑圖爲張堯仙

邦佐

十年罷游賞不出久臥疾獨於佳山水得盡覽在室九  
疑復入手流觀遂竟日是圖吾再見茲幅甚秀潔聯綿  
萬山合窈窕數峯出蒼梧何處深斑竹至今活欲下雲  
中旂誰鼓江上瑟彷彿靈之來寂寞聖者骨夜月尙聞  
嘆秋風如啜泣能傳湘怨多兼寫騷愁絕

余旣爲堯仙題九疑圖一日堯仙出以示客客  
去啓櫝而圖忽失有詩來告且乞和篇遂次其  
韻戲應之

乾坤放眼同一圖私而有之固亦愚名山卻要紙上看  
遂令片片如割腴九疑高高接清都中有列仙非臞儒  
或云舜葬處紀年載竹書至今峯峯相列次宛如二妃  
五臣夾侍羅簪裾其上淚竹往往不易得采之一莖有  
過珣與與我欲南游一登覽指點征路隨虛無九疑眞

人忽來降

謂堯仙以圖乞題

要我階迎走且踣

用左傳踣階而走踏字義而音

則借叶

粲然一笑啓玉齒欲語不語微含糊似乞有所贈

我顧而嘻身據梧口哦太白句役使丁甲爲我驅須臾

還送御風去光景想像猶可摹朝來報我紫霞佩

堯仙前有

和詩

何期忽忽逃去碧玉壺乃知通靈畫正似不脛珠且

欲一言君聽余勸君莫更洞庭去此間亦有左江而右  
湖曷不學我畫作移家圖挈取神仙之眷來鮑姑與君  
隔屋相歌呼九疑聯綿不可極湖南萬古長嗟如

堯仙詩頗以失圖爲恨復以一篇勸慰之并答  
其萼綠之句

亦知世無寫此圖迂癡後獨有今愚

圖爲楊八愚畫

昨來尙記

九疑面但見墨氣流松腴是何明妝秀靨丰且都有愛

直欲到腐儒貪看不覺手落書恐或汙之拭以裾當時

亦擬奪趙璧何怪遂至盜魯珎

陽虎盜寶玉卽與璠見註

詩來卻告

有恨事積則猶在珠已無君不見顧桓兩家曾寄畫一

厨初未有疑意少蹠

王逸九思握佩以今中路蹠蹠字單用本此

一朝發鑰

驚化去上有封題未啓密密猶重糊顧既無愠色桓亦  
不作語枝梧巧偷豪奪古所有只合一笑付遣驅墮甑  
不顧此意最可想竊鈇之疑其狀不足摹君又不見邢  
上寓老亦苦悶一廬深閉如匏壺春風爲報園林信幾  
日便開萼綠珠晴冬難得此和暖意欲便約子與余來  
尋太傅補梅處一泛平山之後湖眼前樂事尙可圖吾  
欲云云子亦姑愼勿抑鬱悲吁呼要君還賦萼綠句試  
比萼綠仙人可得如

萼綠仙人卽九疑真人

堯仙有和詩知其已釋然矣不可不答也

聞君不復憶舊圖只一語已足破愚我亦不復更論畫  
愛君此篇盡得詩之腴君從衡湘來所歷皆名都其間  
自古多騷人亦復盛文儒知君不但能讀邛索書朝游  
出攬賈生袂暮入還把屈宋裾江山如此兼得友朋助  
切磋那不成珪璣而我臥邛上欲尋遣適一事無借書  
得觀眼已眊聞花欲出步復躊獨喜故人贈報有佳什  
不嫌高下滿室糊坐中時爲加護惜未任飄落片片如  
秋梧君來要是一強伴五言已讓君先驅七古二章更  
獨絕正似九疑窈窕深曲難爲摹連日爲君掃禿筆無  
多殘墨賸在壺尙擬有所作只餘鱗爪知無珠冥思兀

坐忽睡去似閒有臥起起聲喚余使我不得夢到黃陵  
之廟青草湖覺來狀若君失圖不聞鷓鴣啼啼向數峯  
江上去但聽姑惡聲姑姑一庭烏雀爭鬪呼如此聒噪  
焉得好句君詩如

再簡一首

六十老人何所圖一生詩狂更詩愚好名不已務求勝  
與世爭此一癢腴尙憶識君初游都春榜正放禮部儒  
玉堂詞翰動老輩小楷精絕尤工書羣仙坐上詠風月  
看君起振飄飄裾皎如臨風眞玉樹有美不數珩  
楚璚  
晉璚君時笑問指我腹我戲答之空洞無君亦意欲

遂無輩爲我忽起四顧蹠

莊子高視  
曠觀也

豈期今日重相遇

我已齒脫眼昏糊無用正作櫟社櫟有辨尙說梧宮梧  
當時狂態乃復爾此病至老難除驅鏤刻冰脂竟安用  
逐捕風影那可摹蘭陵夫子嘗勸學千金不肯早買壺  
漆園先生但使知七聖何處能求珠君亦勿更倚年少  
作詩苦苦還鬪余太白筆落搖五嶽少陵談論奔淮湖  
正恐俱未得入品王官笑殺司空圖何如學作樊南子  
搔處畧倩長爪姑愁時但取一編讀還我室內不喧呼  
自餘等輩盡謝卻一息衆作蟬噪如

讀堯仙詩令有故園之思

寓公自寫邗江圖西湖不歸我坐愚五年留滯亦已久  
何尙戀此修羊腴不恥便作都講都升堂時有弟子儒  
平生惟識諭蒙書此來多集問字裾未免自竊僭臯比  
公然有許皆國璵晨朝亦作一篇進學解諸生笑倒顏  
厚無邇來稍覺世我棄徘徊尙復中路躇半世讀書徒  
自苦四方寄食何由餬况復志傲性氣嬾動輒與世相  
抵牾卽恐令下逐客驅亦知衰醜可憎厭顏狀不鏡早  
自摹不如歸去種瓜壺笋塲碧簋豆如珠芋羹栗飯亦  
足以飽余大清嶺下金婆塢

先塋在焉

何必不若僧度橋前

淶漾湖

阮太傅別業在焉

細思此計眞良圖不用更留此六鑿



一室擾婦姑北山猿鶴相怨呼吾既於世不合今便當從吾之所如

聞堯仙向人說余詩能押強韻復戲和一首

我詩不入宗派圖好飾一智驚衆愚君胡愛之有深嗜逢人便與誇雋腴百寶陳列炫五都不知我乃賈而儒

此詩此韻不難和但須借得叔重書

梁江總有借說文詩

憑教字

字生割裂巧手縫作一幅裾諧聲試讀璵作璵

揚統碑變

體任改鑿爲無

李斯碑

踏之得音都非踏

踏階之踏音都謂急遽也糊

之取意忽異糊

糊塗之糊音忽謂忽突也

支吾之吾乃通悟此皆字

義可入韻韻豈不受我指驅焉有和詩篇篇若出一手

幕君看字攷有金壺亦有字貫如連珠退之曾云讀書多識字小家短說皆足以助余且如君從漢沔來沔湖可號郎官湖疑山亦許換作疑山圖中途所經處復有彭郎娶小姑不妨錯讀仍錯呼邇來詩人好作注疏體考據之學豈曰我遂爲不如

又和一篇

千偈翻澗似佛圖曷若默息守一愚如何吳質弄唇舌好說肥瘦較瘠腴有目不識彼子都呻吟三年緩爲儒卻道曾讀金庭書便思上攬化人裾遠而望之近而視母乃譚嵒之玉不是免瑟與作詩不休如濫竽試復吹

之澀欲無拾得王逸佩隻字不用躊躇盜卻杜甫錦

雙文亦作模連糊

模糊二字連文始見於杜詩錦模糊血模糊句

未能剪榛樛

乃欲舍檟梧自從唐突九疑帝妄擬驂駕羣龍驅又復  
調侃九疑女彷彿竊似仙妹摹往復不已壺繞壺彼此  
相勝珠誇珠我已甚可笑君復還闕余大似河伯兩醯  
雞侈談秋水誇江湖世人要亦那知故我且爲君顛倒  
折裂繡海圖君亦扳翻織女車莫怕驚倒走黃姑焉能  
學作螟蛉蟋蟀輩只在管中盆裏相叫呼我聞其聲嚶  
細如

堯仙和詩復見推許恐其遂以余前詩而誤也

復正告之

君不見老氏著說如浮圖太元擬經何妄愚莊生好肆  
騁虛辯淮南拾棄啜殘腴不韋文章懸國都但可咋舌  
驚小儒若令搜考必求據盡信正不如無書卽觀君昨  
示我九疑志豈不字字風佩而霞裾何至虞巡殉葬物  
昭華之琯亦比斂以璵前詩我乃君戲耳好自說有談  
空無君胡謬信還過許轉使我莫自決費自曙君看我  
數篇何異花面糊強擬魏徵爲斌媚錯貌張良作魁梧  
揮使拉雜信手驅形襲不足那說真可摹豈若君一篇  
一讀擊碎玉唾壺重爲歌之正復如貫珠君詩要是固

勝余我今才不足未能賦海賦江聊賦湖與君更何說  
就詩論詩且爲尋本圖君不聞伐木燕友以速諸父舅  
泉水思親以問諸姊姑詩人最好無過家人語不用使  
人驚怪呼願得終究四始義山經穆傳只可泛覽流觀  
如

堯仙詩有從今負笈入山去看我身輕腳健眞  
仙如之句堯仙名佺字仙又爲子房後豈亦將  
尋赤松之游乎爲贈一首以堅其行

鵬負有力思南圖鸞鳩顧而笑爲愚鵠雖何心嚇腐鼠  
鳶鷂乃恐奪其腴螭螟亦解占巢室蠻觸自欲爭國都

食其狂生初說漢正值沛公不喜儒過河悔作枯魚泣  
相告爲寄魴鱖書騎牛滯魯君莫嘆楚沐我早厭冠裾  
百年身世亦安說時不諒兮空懷璵處處催歸啼杜宇  
人人送別將文無君何疑慮何愛戀不進不去猶此蹢

蹢蹢字有不去義詩靜女篇愛而不去也禮三年問篇悲而不去也其兼不進義者王逸九思中路蹢是也惟

莊子君不見星宮上界足官府姓氏動作一榜糊剖君

異義

之腹何以容大瓠抑君之身何以屈長梧昨聞君欲舍  
此去揮叱雷公駕電驅五嶽一眼眞形摹朝游便跨葛  
公杖暮宿跳入壺公壺餐服五玉棲三珠不知何日果  
辭余仲連肆志蹈東海少伯行意遊五湖豈若君身有

慧業歸去自證眞靈圖我胡尙效兒女語臨別絮絮如  
嫂姑子房思從赤松去我知蕭相欲留不可呼穀城倘  
過遇黃石也煩道某歸來不久如

有惠光州錫燈者久未報今夕爲賦一首就燈  
下書之自喜眼力老尙可倚也

客有惠我光州燈初聞傳自周家稱造作奇巧見未曾  
一蓋上覆搖鏡菱下乃小作荷杯承四垂絡索銀交藤  
其頂一珠龍抱騰有紐中活雙貫繩懸之高下惟意憑  
或便取向酒座升亦用歌筵照綺綾當空一點孤燄凝  
光徹四遠薄上淩倒影下射清而澄不比蠟紙晃層層

又無煙煤氣薰蒸恰宜觀書夜榻凭正如月映流綃繪  
有過螢照窺緘滕昨已列置坐右登兒童走看笑語矜  
常時嬾學呼莫磨忽來抱書忘寢興不怕漏鼓催頻仍  
只我老病已不能但對默坐如定僧今夕忽復高興增  
作詩報嘉固所應且喜冬暖硯未冰自倚眼力老不瞢  
就書其下頗亦勝但不能作小字蠅草草一揮帶醉乘  
點畫疏脫勿笑憎

恭讀 乾隆御製詠側理紙詩謹追次一首

百年內府多所遺側理五番舊藏之天祿校書夜照藜  
諸臣發看聚以思徒聞傳是海蟻衣乃復正類山鼇絲



質粗且厚意可疑豈出園客來江妃不敢上進懼失宜

南巡獲二相配追以新合舊始釋茲

內府舊藏有側理紙五番典司間其

名而未識其實恐不宜墨不敢上進及南巡復獲二番以新較舊乃始釋疑

皇帝大度不

汝私曰余一人失此奇其新一書雅頌辭其舊仍命藏

待時 皇帝愛臣如愛兒 皇帝惜才如惜糜遂恐失

人歌彼其謙德未遑見乎詞

小臣

追上萬年斯

傅凱亭

箋

指畫十六羅漢

凱亭學於且園侍郎故得其傳

十六阿羅漢西湖憶見之傳爲貫休筆摹入聖因碑渡

海身還去

聖因寺後毀於火碑亦失之

觀河面可知

觀河面皺爲六十二年事余今

六十何期垂老眼復此覩威儀

聞道閬陽士會傳絕藝操誰知凱亭傳不學且園高愛  
畫偶游戲惡名常避逃諸王欲羅致自覺布衣豪

瘞鶴銘殘拓

并序

拓兩行前行只一也字後行華陽真逸四字有聯  
翩飛動之勢而也字尤分明向見劉文清書小幅  
上作也字十數莫得其故今知所臨卽瘞鶴銘以  
見得之一字有至寶學之一字亦至難

焦山厓有瘞鶴銘其下江水流泠泠就厓拓石初不易  
羶椎多失迷真形是何五字意飛動雲濤入捲天爲青  
上皇山樵豈有意當時養此白雪翎空山一夕忽化去

惆悵不返遼東丁故令字盡作鶴態結想上與追杳冥  
舊說多稱隱居筆小字或配遺教經浪淘日久沒沙岸  
月照夜冷虛巖屏獨傳文清書嗜古幾年至寶收殘零  
吾儕筆勢苦驕蹇何幸亦得窺仙局

喜雪三絕次韻退翁

虛皇昨夜降瑤軒下界無聞鳥鵲喧侍從皆騎白禽獸  
紛紛齊過樂游原

曼衍魚龍戲自奇爛銀點額玉垂髭若教剖出馮夷蚌  
更得明珠綴入詩

莽莽沉沉欲視難太陰晝合海翻瀾不因滕六能施逞

粉本何由得范寬

阮太傅亦有和詩退翁復和之仍乞同作

賀章遙爲答 宸軒二老詩傳萬口喧我只茅檐愛清  
賞獨將梅信問東原

奇寒去歲信爲奇今歲寒曾不上髭天爲壓溫應得健  
只嫌又作孟郊詩

尙欲留看定已難銀消玉化瀉如瀾農人笑罷船人笑  
添得江波一夜寬

寄答篠雲

留揚久此滯歸旋憶遠常思寄一篇臘雪正飄官驛路

春波未動賈人船忽傳好句吟梅下如訴離懷折柳邊  
但得相知各相念便分兩地亦成緣

又題其搜吉齋詠物詩後

詩家咏物自一體三百比興何曾離芝房寶鼎漢樂曲  
湖雁園葵蕭選詩自唐以後始莫紀我朝特詔編次  
宜昔曾恭讀佩文序今乃喜見搜吉詞追琢何減大  
雅製涵沐猶霑聖澤遺山野未識此體貴動以不屑  
相輕訾若曹正是不能耳故用自外於教施如君此編  
足可楷令人常憶先帝時

魚竹秋燈茆屋圖遺卷其子延楨乞詩

此圖初見長安作正其故人結茅屋寒窗夜話細雨時  
燈前不覺簷花落今在邗江見愁絕故人何處空相憶  
不堪夜雨爲重聽燈下如聞草蟲泣人生亦作秋燈看  
華屋山邱同一歎未死有情那遣得披圖不禁重洿瀾  
留詩且付故人子他日刻詩其子將爲刻其遺稿并刻此我爲君  
翁作詩苦數首交情有終始

茅天石畫漁洋先生小像卷子以署款年歲及  
卷中補景考之當是先生弄孫圖惟年譜不載  
生孫歲無所証耳圖舊藏馬氏已百年矣今歸  
金雪舫家

漁洋此圖畫者誰茅麀明末一老遺維時先生未五十  
其年正官國子師名園避暑值清暇想見休沐歸來時  
先生據石自高坐領下未見雪一絲飄飄衣帶風吹之  
一人天然林下姿繞欄曲曲步來遲從以小鬢瓶捧持  
瓶中四五青蘭枝其一自必晉卿姬手抱一兒笑弄嬉  
赤着朱袴玉雪肌嬌小尙未乳下離我因熟視久且思  
豈其先生抱孫日當時寫此樂自怡惜哉年譜缺不載  
此圖又復無人知焉能便補精華錄吾詩恐亦爲傳疑

吳氏一家稿

笏庵詩十六

錢塘 吳清鵬 程九

丁未

人日梁退翁約請阮太傅并招同人於竹西爲  
挑菜之會有詩同作

人日有故事今歲氣候宜梁老動高興爲舉東坡遺搜  
括到雪甲招要會春卮太傅可其請同人都不辭俱來  
集勝地共趁值良時盤薦出瑣瑣杯行接遲遲亦旣諧  
終宴况復多新詞明朝只一日傳徧竹西詩

陳楞山墨筆花卉



墨暈作花淡而鮮我愛玲瓏館主仙奇姿異色正在想  
今晨忽落衣襟前敗荷無風搖瑟瑟芳蘭有露含娟娟  
野梅一幅更幽絕若墮烟外江橫天牡丹似覺尙矜重  
餘三幅亦皆清妍卻疑此冊有殘佚不合作者只七賢  
東籬未收隱逸傳令人此意殊缺然玉生楞山自號去遠已  
莫問散落要自逾百年國初諸老信能事如此者復  
無幾傳二陳正未易論定後有老楞前老蓮

父老

米如糠粃肉如藿揚州歲歲大豐熟父老告予兵亂後  
賴此頻年得小復亦知造物仁愛意吾皇盛德吾民

福不應閭井尙蕭條未見公私有羨蓄有年勉強可支  
扶無年倉卒將何如我時作客揚州住起謝父老勿歎  
吁去冬雪澤甚霑渥春郊已動麥氣舒我與父老俱老  
矣太平且樂餘年餘

星厯厯

惟天有監不我處譚國大夫怨牛女徒然無益只空名  
詎免詩人多責汝我復胡爲歌小東明星正出厯厯同  
農丈人今已宵見農祥正告春分中天田何人秉帝耒  
倉庾誰氏掌王供南南河北北河際兩河交會船司空  
嗟哉衆星不濟力汝亦箕斗同虛職

建隆寺小支上人新建李招討祠乞詩次韻阮

太傅二首

上人支公流晏坐閱僧臘李侯天馬姿英氣餘爽颯祠  
門繞流水風亂竹聲答時見翠羽飛下揀寒枝踏茲地  
已千年好事獨一衲游人看新構釋子談往劫願力信

宏誓精靈若來接應補建隆志考覽備涉獵

建隆寺舊有志

荆榛化堂宇蘋藻修歲臘招討有大節肅肅靈風颯降

宋初隱忍存周終力答淮南尺寸地志狹九州踏惜哉

將鄒器違時用補衲未肯賒一死正氣完運劫歐史竊

春秋直筆敢仰接死梁轉得書弋名無乃獵

豹死留皮人死留名

王彥章語歐陽  
畫像記會引之

游招討祠復用前韻一首 并序

自姜堯章淮海濁一篇直斥李重進爲叛宋近汪  
容甫作廣陵對力辨其誣謂重進實死周阮太傅  
是汪說因囑建隆寺僧於寺旁隙地建立招討祠  
以存古蹟備考覽同人皆爲賦詩誠盛事也至歐  
史不書重進死周事當是缺疑其記彥章死梁事  
亦只節取余前詩以欲伸重進而遂至輕議歐史  
昨游其祠祠在梅竹間亦殊幽致而地甚荒僻寺  
址亦多廢爲菜圃寺僧曰此卽招討行營處也爲

徘徊久之復作此篇以從歐史闕疑之義而獨寄懷古之思焉

久欲訪李祠少待雪盡臘茲晨獲來游氣候轉淒颯往事尙難論昨說殊漫答當時一片土戎馬事蹴踏今來見廢畦盡作水紋衲且可弔遺址都與付浩劫地偏古木多天寒凍翅接雲旗卓高空何處將軍獵

錢百生

觀

有和余疾字韻詩爲酬一首

昨聞君論詩如樂有舒疾此是知音者已入古人室試卽以樂論當勝談半日君聽黃鐘濁不比姑洗潔要其相隔生各自由虛出無懌亦無攪此意在參活世多筭

笛耳詎解清廟瑟勿爲羽聲靡柔曼至無骨勿作角聲  
怨幽淒欲如泣信惟和以平君論自卓絕

陳小鐵

元祿

來訪余於揚以和余吼字韻詩三

篇見示爲答一篇兼送其北行

小聲嚶細大聲吼西冷十子後先走君家鴻博有雅音  
杭厲同時莫抗手君今自不愧前名尙覺前賢畏後生  
何須推許輕到我知君不肯下新城三篇深穩清幼眇  
渡江一作尤絕少已聽春濤壯助思却指岸花閒寄抱  
訪余千里來揚州不堪蕭颯已如秋是間無人可與語  
君欲論詩且北游

書汪巢林懷友詩卷後

卷中無一顯貴者

巢林宛似巢居子性愛梅花臥掩扉  
一生春風自茆屋四海舊雨惟布衣  
滎陽三絕可知貴光祿五詠所託微  
竹西倘收隱逸傳百年斯人其庶幾

鄰園

獨居春正寂晚步日將斜  
屋外誰家院牆頭滿樹花  
倚看閒立久隔聽笑聲譁  
相賞還相共渠知我未耶

倪雲林畫山水小幅爲梁吉甫

元畫更代遠四家罕窺祕  
曾見大癡老一幅寫秋寺  
乃是賈人子歲暮易金至  
正值無閒錢失此甚懷繫  
今晨

見此幅喜又出清閣畫品自難定非我所得議逸既居

神上癡或當迂次又聞叔明作合筆尤瑰異

吉甫尙藏有王叔明

張伯雨陳維寅合畫一幅

伯雨本盛名維寅亦能事倘已偕攜來更

乞一傾筭可惜梅道人回首鬱餘思何時還得遇空憶

內廷賜

吳畫惟琦相國舊藏一幅沒入後閭已賞南書房翰林

倪畫稱逸品居神妙上殆有出世之想與復作

一首以示吉甫亦欲與其參悟也

沈寥向空濶芒忽逼真細淡至轉類枯蒼極反若穉惟  
其有如此故不可思議前詩我未及出語恐已泥姑復  
爲一言以補君所未君言此畫遠盡得畫外勢我覺此



畫微尙有畫前意出想非想想入際不際際

春日閒居雜興六首

揚州豈比杭州好戀戀偏教欲去遲南國亦同東土滯  
西湖應假北山移曉畦得雨初抽筍夜港迎潮已上鰯  
尙愛此鄉風物美及時足慰故園思

兒童報語已和風起看園花四照同小坐量移深檻外  
薄寒撿攝曉衣中有來歲月多時晚無主亭池幾處空  
自喜寓公身健在一春不放去忽忽

滿屋堆書靜掩扉長年鉛槧尙相依此中正要參同異  
一見何能執是非繡左胷全空所癖炮莊手妙發其微

紫陽涑水千秋筆十注紛紛得解希

平生詩亦有千篇老去還思一變前海外九州談地志  
山中七日話仙年事徵怪妄都難信語出新奇或可傳  
莫說陶公只高逸田園山海各隨編

儀徵太傅世全人林下歸來又十春杖履追陪時一見  
詩歌酬答總如神翟公門外常無客賀老湖邊獨有身  
門前羅雀本無客竟似知我所居惟陋巷肯將德照與  
湖邊賀祕書皆太傅句

分鄰

長樂中丞亦流寓風流老輩最憐才多收古軸隨攜載  
每乞予題要別裁繫馬叩門曾兩過餽魚遣使已頻來

自慚貧病無酬答惟有將詩與勸杯

晝眠

君不見爛柯一奕須臾間悲莫悲於仙之緣歸來妻子  
不復見子身徒受鄰里憐又不見大槐一枕四十春樂  
莫樂兮夢中身却被同行爲喚醒半生已是富貴人歲  
月欲去亦無奈何苦學仙忍飢餓不如尋夢日高眠物  
外逍遙誰似我北戶涼風夏欲來西堂草色春又過謝  
公要覓池塘句陶潛慣作羲皇臥

焦山還帶歌和梁退翁

金山長老眞貧饕眼覷學士玉一條是身四大無坐處

何物要鎮山門牢東坡胡爲失口辨此帶竟沒歸僧寮  
有明文襄復好事乃以一帶重留焦三詔洞中豈須此  
唐突正使蒙訶嘲妙公僧名妙福定似了公輩口說千偈如  
瀾濤故教亦示解脫意從茲不受萬釘驕焦山由來何  
所有擔薪汲水供昏朝山僧貧苦日無賴詎免鬻帶救  
飢號一物人天失呵護百年歲月歸沉消不嫌此山少  
顏色但惜此帶久寂寥訪帶還帶自佳話非公誰能爲  
此豪他年倘更問無恙待約共放春江舸

客座

華堂燒燭夜宴客諸奴紛紛將酒炙主人座上多雜賓

左右欲扣無由得我昨衆中未識君對君談君佯不聞  
自是言語我失檢如君要豈尋常人君不見從來耳熟  
知名流唐突往往莫自由卿當不辦袁彥道汝豈亦是  
韓伯休彼皆可笑有如此我輩還應得掛齒豈比牖下  
老死者背後誰能記姓氏

魏松溪先生溪行覓句圖

先生名在乾隆初一生耽吟世絕無春渚亭前閒散步  
半塘橋畔共追呼時邀余

秋室集

何

春渚洪

作老伴相與杖

屐尋詩娛耳邊只覺聞清瀨曾次那復來塵汗百年白  
日亦易徂大雅不見將何如作詩先生應一笑閉門覓

句知已疎

病瘡松泉來問戲之

造物甚愛我大疾恒不死小疾歲爲常薄罰殆宜爾瘡  
疥未爲患勿藥自可喜正復甚累苦連月困牀第焉能  
禁搔爬只可強濯洗明知怨奴僕實亦厭妻子今朝有  
愈意痂落當可起君何獨見念數肯就問視豈亦有嗜  
乎要不禁噉耳作詩頗可味正得鰕魚美

甄甫中丞重修滕王閣落成招同人宴集其上  
聞而羨之賦寄

滕王歌舞逝不留洪都樓觀何時休大江不盡流萬古

閒雲幾度經清秋中更作者亦多輩使君正自能風流  
聞道落成初有日賓主頗盡東南儔臨江置酒一登賞  
想見帝子亦出游定有雲飛降北渚不減月上當南樓  
羣公於此興不淺我亦西望心悠悠一篇聊託致遠思  
往助晚唱隨漁舟

蓮性寺蓮花

此有功德池是生妙蓮花出汗乃至潔聞香自無邪土  
有龜巢葉下有鷺食茄羣魚繞匝之聲寂水不譁不須  
問云何此旨在楞華回頭見老僧蒲團坐趺跏是尙有  
相在彼豈此知耶但作如是觀我意當不差

王文成公書武侯手教

欽署正德二年時  
公尚未掌軍事也

武侯手示臣下教一篇何啻出師表言詞懇切意深厚  
可識身爲將相道文成亦慕管樂比常時書此豈無意  
功名未值且俟時襟抱非常已見志筆札流傳自有真  
平生揮灑總如神摩挲把卷起長嘆忽忽令憶隆中身

羅兩峯山人畫蘭

畫爲春松侍御作後有跋云  
如閨中人見之煩指謬以侍

御夫人善

畫蘭也

眼前解事無一箇宋元之間誰識我山人自論畫如此  
一筆尋常每矜可此幅乃寫蘭之眞白描盡得雙鉤神  
如何尙說煩指謬卻要低首蛾眉人



王暢甫博士夫人爲春松侍御夫人書小楷卷

後附博士與侍御札

博士夫人眞衛恒小書秀絕簪花能傳有當時女逸少  
門下惟多弟子稱侍御夫人乃趙管閒愛芳叢寫九畹  
壺蘆押出仲姬名無人不道鷗波館兩家當日世好同  
頻頻書札時相通不須王顧更較說閨中皆有林下風  
吾家椎髻獨可笑流寓年來廡下老天教養就愚夫婦  
卻似伯鸞對德曜

鮑問梅好學嗜古嘗得東坡先生讀書堂小印  
遂亦顏其堂曰讀書

古人可傳有不死賴知唐虞獨以此齊桓堂上非解人  
讀書有堂始此固應取笑斲輪子蒙莊十九皆寓言意亦似  
章句士東坡讀書乃不爾熟讀深思自知矣大道如天  
亦可求舊學不厭須有始坐中一客竅埋煙窗下二生  
聲瀉水東坡最愛讀書人如君應亦坡所喜君不見舞  
劍有神通草法刺船不返悟琴理踢倒淨瓶方解徹執  
持定鏡那求似東坡今自在君家印可惟應說如是

郭清狂謂畫九賢像

前明有畸士畫絕一代傳自號清狂子不受衆所憐跌  
宕太和里擺落宏治年世比郭忠恕好侮諸貴權乞畫

來在門不答一語言瞠目起直視但仰數屋椽武宗詔  
不赴宸濠焉得干遠鄙王右丞近薄唐解元卽如此卷  
內圖寫得九賢正自有流品大率清狂間首伯夷終太白吾願  
後來者勿但作畫觀百世尙可起庶共激懦頑

怕癢草

有序

本高不盈尺歧分爲枝葉纖細兩兩相對觸之卽  
應手卷合如筒席然久之乃復舒俗稱爲怕癢草  
兒輩有詩亦作一首以遣興

枝枝相對葉相當稚小多生近砌旁若爲抑搔微惹觸  
都教掩閉盡羞藏閨中駭女休輕惱陌上狂童要慎防

造物何心偏善謔顛風癡雨故相妨

東坡先生笠屐圖

有序

笠屐圖自是先生高致而先子西湖遇雨詩有荷  
葉遮頭赤腳歸之句奇情逸興似又過先生矣顧  
如先生望湖樓篇亦正是先子遇雨情事昔放翁  
欲畫東坡作散髮騎鯨狀本昌黎句也余亦擬以  
先子句爲先生寫此一圖世有好事者遂爲補成  
之亦一段佳話也

東坡先生神仙姿畫中每見令人思任摹散髮騎鯨狀  
或作羽衣朝玉墀龍章鳳質都相稱野服山容亦自宜

茲圖之傳世尤著聞出村行遇雨時當時倉卒遭一窘  
先生不慣意可知想見村人出爭看拍手笑倒滿市兒  
滑滑泥衝雙踝去騷騷風亂一髯吹定要關門煩洗足  
見先生遇雨詩亦如上馬愁斂眉見先生我惜世尙未好奇何  
不便寫先生詩望湖樓下如天水與作荷葉遮頭赤腳  
歸

王第花漢臯歸權圖

思君游兮漢之臯水非湘兮亦非瀟

漢臯瀟湘湖非瀟湘也

待君

歸兮江之浙山不吳兮亦不越

錢唐山在吳越間

天地中間自

去來非君誰爲此好懷我今亦有西湖憶一帆天際君

應識

魏荔生

焜棟

孝廉乞題其尊甫春松侍御遺圖

四冊

西苑校書圖

公時以刑部主事與修四庫全書值盛暑賞賜甚優圖以紀

恩也

維昔乾隆歲丁未有

詔命脩四庫書一時三館及臺

閣員充不足領其餘魏公乃自西曹起同來校書西苑

裏晨趨鐘動隨羣公夕散搖鞭逐諸子蓬瀛六月無暑

到水殿風廊足清美

聖恩猶自念煩苦寵分稠疊加

無已已領宮茶滴露同仍頒御葛含風似那無雪紵還

稱身更有冰瓜能沁齒 九重務使渴慰懷諸臣何憂  
汗流體一時異數誠難得地厚天高自須紀愧我簪毫  
到木天後時已是三十年平生一字曾無補也沐 天  
家雨露偏猶記西華逢下直水荷風柳最流連畫圖感  
想重回首置身忽在太液之池邊

讀書人家圖

乾隆時公蒙 召見 上垂問  
家世曰汝讀書人家也因寫爲

圖以誌

恩進

讀書正是我輩事人家二字初不易無愧於人人斯稱  
去 克世其家家弗替煌煌 天語公親承玉墀跪聆蒙

寵膺爲公歷數讀書事公身內外皆可稱公今去後已

十年公之子孫又皆賢半塘紅畔公家在時有書聲出  
巷傳我亦清門繼先世晚居尙客淮揚地做廬喬木感  
淒然日坐課孫門晝閉

寄園種花圖

公在都寓居下斜街市此圖  
所山作也時余亦同寓焉

寄園在長安城西斜街市我昔來依公與公共居止有  
時公閒暇種花蓺花子課僕爲灌溉間出自鋤理每逢  
花發時滿院爛紅紫把蓋席其間招集二三士公我皆  
不飲對此亦可喜如是者幾年公遂賦歸里留花與他  
人不知後何似此樂今不復空看畫圖裏感往爲述情  
悲來詎能已



紫陽講院圖

院久廢圯嘉慶己卯余僭爲山長時尙未脩復及公來掌教已

一新矣因寫有此圖

紫陽山色明差我白馬廟口青衿多何年此地爲茂草  
令我不樂思中阿我公來時正營繕一咏緇衣初適館  
荒蕪剪盡榛莽除水石清華花竹蒨多聞問字集裾袂  
遂有執經承几硯一時景物一時人圖中寫出皆如見  
細思回首又可悲公後繼者還爲誰詩書教澤雖長在  
薪木摧傷那得知

移桂

東軒有二桂仲秋吐華滋著蕊黃金色密綴無條枝西

園亦競發得氣不少遲濃香時一聞風爲吹送之北院  
獨寂寞脫葉紛委墀非汝有異質結根失所宜今晨利  
栽種當爲謀遷移來歲倘不花乃是汝數奇

畦丁嘆

六十畦丁頭半白賣花數見我曾識昨來擔菊向門前  
但道乞買不論值卻是枝枝好種格遂令傾擔盡買之  
亂插離披滿堦側病夫久不與外事一室惟思自怡悅  
適因此花欲有問未語先聞已嘆息告余家住寶塍村  
一生種花給衣食常時擔曉入城來好花賣與富人室  
東家西家爭買多徒擔歸時不待夕今者一枝賣不得

空望千門走連日猶記三春曾到來芍藥花開好時節  
不知城中何事忽蕭索但聞滿城愁苦聲使我花亦無  
顏色眼見一秋花息無從出我輩貧人何處還生活

明廉訪使楊二檀先生草書卷其裔孫來乞詩

高齋日坐看書畫自喜辨眼老不渾人人就我乞題識  
時有走送來打門初冬暄暖似春候小窗風細無纖氛

楊生袖示草書卷三百年跡驚猶神少師家法世傳少

此獨能之下筆親

書家謂楊凝式後無  
草書先生其裔也

卻思有明亦多

手傳者幾家畧可論李西涯張東海希哲雅宜尤不羣

可惜當時盛名下一代少有知品人而况更說王孟津

君家之祖乃獨無與倫一官引疾早歸去分宜何得汗  
我塵田廬先世雙橋古林泉幾處留園春閒攜老伴遣  
餘日樂志養素全吾真此身便自有千古草書傳世何  
足云

掃垢山房聯吟圖

王家夫婦兩吟身頗亦厭世苦擾紛掃垢爲築山房新  
山空無人杳四鄰與居木石棲白雲只有猿鶴同朝昏  
山窗叫嘯來相羣脫然遂出超世氛要亦自怡難贈君  
崑山好事爲寫真便呼居士稱道人  
署款稱秋平居士其夫人曰淨因道人  
妙意可想非俗云一時傳出徧詞門余亦當年有所

聞可惜倏過五十春昔者離垢天今乃遭風塵作詩感  
往聊述陳亦是無益徒殷勤萬劫過眼如奔輪後此未  
料還難論

文待詔書黃岡竹樓記

黃岡竹樓禹偁記誰其書者明文氏丁丁然砮落子錚  
錚然投壺矢我最愛偁此數句能寫竹樓聲到此恍然  
坐我竹樓下如有聲出竹樓裏今日逢之聲又起偁也  
語誠工待詔書亦美我聽以目猶以耳姑亦留詩署其  
尾璚然而鳴戛然止

卽事書感

外患又作且莫語內憂未細良可慮山東白晝出行劫  
河南赤地逃連戶荒荒四國亂眼多差幸江淮少完聚  
今年歲旱亦小歉六月一月夏無雨山田薄收顆粒少  
尙賴湖田供出賦及秋望望又失時有雨濛鬆不濡土  
農家種麥不得下預愁來歲春難補獨稱菜熟最有年  
蟲來食葉傷我圃連日天陰復大霧十月雷鳴殷地怒

大雪日子秋送菊

仲冬月之朔是日節大雪張子遣送菊吳老笑起室何  
期歲寒深復見籬下逸因思去年使亦在小雪日朔風  
吹亂英有句我曾說今年又較遲適過一氣節用心冰

雪中知子不爲熱明年倘遣來可是半子月

陳老蓮花卉

老蓮畫人物吾家舊藏老燹一幅真又於人家見一幅  
乃寫永和上巳辰服色正用晉冠巾風襟水帶俱入神  
花卉傳聞獨未見不意今晨入吾眼反憶去年時曾見

玉几生

陳楞山號

墨花七幅韻而清二陳先後信同出百年

一事又奇絕楞山女夫許江門並傳一家則老蓮婦翁

張爾葆亦專一代筆楞得江門正似褚有薛

覃溪學士詩陳許論

家法如褚有薛焉以翁婿也

蓮之於葆尤當樂衛比可謂冰清而玉

潔子秋子

句

子不惜錢購散亡此卷又得歸子藏當塗

尙書留語頗珍重願子加意爲周防桓家油污洗不得  
絹素已裂難重裝良辰佳客可出共怡悅不然任教閒  
置篋笥轉不妨

伏生授經圖石刻本

伏生畫圖不一稱右丞後數崔丹能近者沂州有新事  
碑石耕出農家氓好事就之搨一紙寄我要放老眼醒  
典型未覺先賢遠鐫摹自是古刻精忽憶前時初北征  
日暮道出經鄒平今縣有伏生祠荒木無人亂啼鳥秋祠冷閉  
風泠泠諸儒久不復講解大事誰肯爲肩承此碑流落  
尙不免我知漢學無時明旣思却又可愧增少年亦習



尚書會當時背誦若翻水今不鋤墾類荒塍九十老人  
獨記憶我何遂甘頽廢成

次韻厲茶心

同勲

太守見贈之作

病骨久作支離形聞見總不出戶庭告歸不歸尚留此  
何異貪祿戀闕廷觀身觀世等可笑衆醉我亦非獨  
醒知君未肯厭老醜顧我詎不慚尹邢每憶當年安定  
士握手多在少壯齡飄流散盡獨我在長庚無伴餘孤  
星聊將詩句遣愁寂思遲意鈍心不靈愛君小篇有高  
致正如秋花發幽馨昨得長歌又嘆絕羣葩怒放驚春  
霆好詩例須盥漱誦不敢口汙手觸腥豈惟晝讀夜復

起寒窗屢剔燈如螢始知君詩不可及我之所得皆餘  
零分離只恨不早聚且喜晚跡重合萍聞君白沙初徙  
至城南新爲置柴局我住城東亦何有有竹一廬莎一  
廳座上惟聞鳥聲喚窗間但覺花氣冥無人閒閒常晝  
閉君如過訪可一經要君還爲誦佳句我但應之臥以  
聽君不見頭上飛走不我停髮白那得使再青急須相  
就爲笑樂天寒欲凍水在瓶

茶心詩有黑海翻波無時停之句意指軍事及  
回疆言余前和未及復次一首

古今治亂何常形莫憶葛天懷大庭吾儕一椽但穩臥

自有臯夔身在 廷病夫閒門掩深晝空齋無事睡正

醒追憶亡書爲一適此語獨記聞之邢自餘外事概莫

問六十過二眞衰齡聞君憂來輒夜起太息坐仰觀天

星自從東南失大將弧矢不復揚威靈

大將弧矢皆有星

維時

天下望安石何物老嫗生甯馨眼見諸奴日驕侮菲薄

雨露輕雷霆欲倒銀河傾九海安得一洗中原腥患始

從來皆有兆燎原初發如星螢卽今西北又騷動未覺

諸羌近衰零側聞銅符已命將誰可三尺提青萍漢家

曷不辭馬武玉關且可暫閉扃河冰山雪天地凍朔風

卷塞吹邊廳愁雲萬里來慘淡白日幾時開晦冥

已上茶心

語我獨一言卻相告王事多艱亦屢經 有道之國天  
所助早晚飛傳古語聽一陽新已兆萌動行見萬象回  
春青古嶺梅花可走訪莫辭出載雙玉瓶

茶心有和詩仍主前說似非無見也

書生亦曉兵家形王師已出討不庭如君陳論豈無見  
誰與便入告于廷我朝自平噶準定諸部震懾頑迷

醒川楚弄兵潢池耳滑臺獨近連密邢

臨清黨多邢臺密雲人

更

後十年回疆亂將軍乃特遣長齡指揮四城不日復一  
夜掃落欃槍星鐵蓋山前縛張逆信是百神能效靈功  
成獻俘告 太廟我 皇至德上格馨二十餘年少邊

警中國久此收威霆固應萬里絕空幕大漠散盡犬羊  
腥蠹茲餘孽敢復爾一閱又聚如蚊螢朝廷但用充

國議何患开罕結先零

借用一先韻

南粵還教再尊漢坐看

海日升紅萍流民返國

河寇盜息

山東

處處外戶不待局

刑清獄少政復簡官希理衙吏散廳和風甘雨應時節

雲霧披撥還青冥從此太平億萬載

聖人有制國有

經朝會並圖職貢寫宮中自奏雲門聽眼前何時遂見

此羣公莫負史簡青勞師遠費恐無益慎勿救焚抱漏

瓶

茶心守廉州時有和陶詩百首今一官罷歸矣

與余值於邗上因約淵明之意爲此篇簡之

百年外役只勞形復得自然返廬庭與君一官放歸早  
此恩正是由 朝廷君看世亦太紛擾萬古不喚貪癡  
醒世族何曾保樂卻碩人空自誇譚邢以知富貴未足  
願况慕不死期延齡我今嗜欲得少淡自幸已過五周  
星塵牽俗累終不盡尙恐汨沒胸中靈一椽可托且隨  
遇亦道室陋惟德馨幾年邗上送歲月倏忽飄驟如風  
霆但記春池冰泮候魚陟初上水未腥夏院蟲聲亦可  
樂涼思忽已催飄螢及秋園果多早熟棗實纂纂栗自  
零霜冬始覺木漸脫寒潭膠淺黏枯萍誰能與坐觀化

始天地自開自闢局

淵明四時篇  
卽觀化之作

念君解作陶彭澤吾

廬大勝督郵廳此身便可寄嘯傲人世况復多塵冥榮  
枯衰盛在一室放眼自見皆得經且當委心同任運不  
用收視卽返聽君不見此老吟詩日未停夜來猶伴短  
檠青送君試讀有深味莫作一快如瀉瓶

又簡茶心一首

我欲五嶽覽眞形一探禹穴浮洞庭名山處處盡游徧  
然後飛身入金廷卻遭一病遂成廢徒有夜夢驚而醒  
文章初竊效揚馬箋註亦擬補孔邢藏山事業又無就  
結念空說三千齡仕宦草草尤可笑看盡人間張角星

未知我生值何宿似是牛獨不能靈年來只慕昌黎子  
鼻塞自可齊臭馨不然劉伶計亦得一醉耳不聞雷霆  
焉能齷齪尙隨世下與雞鶩爭腐腥亦自不能守章句  
老死乾作案上螢人生六十要行樂此後餘算皆奇零  
因思君官南海去亦似初飄一葉萍其言太守如漢孟  
珠宮不守夜戶扃茶心守廉州時州多產珠州人榜其府曰珠還再見蓋以此漢孟嘗也  
藉藉聲名豈不好一府下治幾州廳無端終亦受疑謗  
何如一舉高鴻冥及今歸來喜未晚君我畧亦同所經  
一篇故復相告說要自不與他人聽君莫笑寓公尙欲  
煩居停歲寒期共保青青殘年將近祭竈日且屬老婦



理盆瓶

卷之二

三